

第三七〇册

明倫彙編
氏族典

史姓部

綺杞

彈

半

底

是

市

三九

四〇

(卷)

己倚

以

喜

里

理

軌

四二

水委

蓮

祀

侶

仕

俟

紫

四二

癸起

履

始

耳

曩

紫

四二

啓

薦

梓

只

使

視

氏

四二

蟻

爾

姓

紙

閣

諸

姓

尾

鬼

四三

裴

辰

偉

姓

虺

屬

諸

姓

部

四三

褚

楚

姓

部

四四

四四

四四

四四

四四

四四

呂

姓

部

四四

四四

四四

四四

四四

四四

四四

許

姓

部

四四

四四

四四

四四

四四

四四

四四

汝

所

巨

莒

緒

處

旅

四七

四九

四九

擗

圍

序

女

筮

姓

舉

摘

四〇

四〇

四〇

杜

姓

部

四二

四二

四二

四二

四二


四二

四二

四二

古今圖書集成

中華書局影印



古今圖書集成

中華書局影印

欽定古今圖書集成明倫彙編氏族典
第三百九十九卷目錄

史姓部彙考

唐書 宰相世系表

鄭樵通志 以官爲氏

羅泌路史 通紀

廖用賢尚友錄 史姓

史姓部列傳一

周

史佚

史籀

史伯

史蘇

史嚭

史朝

史狗

史鮪

史趙

史叟

史鰌

史黠

史墨

史皇

史起

史疾

史理

史舉

秦

史祿

漢

史恭

史高

史會

史元

史術

史丹

史恁

史崇

史淑

史邯

史習

史岑



史獲

史立

史諶

史熊

後漢

史通平

史崇

史弼

史茅

史叔賓

魏

史渙

吳

史嵩

史懿

史韶

晉

史光

史雅

史爽

史憲

史諒

北周

史邈

史寧

史雄

史靜

史文忻

隋

史雲

史祥

史威

史萬歲

史義隆

唐

史大奈

史德義

史務滋

史青

史思明

史朝義

史憲誠

史憲忠

史敬奉

史孝章

史謙恕

史維則

後唐

史建瑋

史敬思

後晉

史圭

史匡翰

後漢

史弘肇

後周

史彥超

史莚

史虛白

史守冲

史公銖

宋

史珪

史序

史方

史吉

史聲

史灼

史通

史東

史徽

史祺孫

史經

史詔

史抗

史浩

史正志

史彌大

史彌遠

史彌堅

史彌鞏

史彌宇

史本

史嵩之

史璟卿

史次泰

史用之

史子申

史泳 史儁之
史岩之 史顯祖
史能之 史蒙卿
史扶 史寅仲

氏族典第三百九十九卷

史姓部彙考

唐書

宰相世系表

史氏出自周太史佚之後子孫以官爲氏漢有魯國史恭三子高曾元高大司馬樂陵安侯二子術丹丹左將軍武陽侯孫均均子崇自杜陵受封深陽侯遂爲郡人崇裔孫宋樂鄉令瓌鄭樵通志

以官爲氏

史氏周太史佚之後以官爲氏漢有史恭其女弟爲戾太子良娣生史皇孫進進生宣帝恭三子高曾元高侍中大司馬車騎將軍樂陵安侯生術丹術樂陵嚴侯生崇叔丹左將軍武陽侯侯生邯武陽侯侯生獲高曾孫奉嗣樂陵侯會侍中中郎將將陵哀侯元侍中中郎將平臺康侯生恁平臺戴侯生習又有阿史那氏改爲史氏

臣謹按史之爲氏者非獨佚也周有史佚史與晉

有史蘇史黯史趙史龜史墨楚有史俾史皇衛有史鯨史狗史朝齊有史闔凡此之類並以史爲氏而未得世系者又有太史氏內史氏左史氏右史氏

羅泌路史

禪通紀

倉帝史皇氏名頡姓侯岡生而能書及受河圖綠字於是窮天地之變仰觀奎星圓曲之勢俯察龜文鳥羽山川掌指而辨文字形位成文聲具以相生爲字天爲雨粟鬼爲夜哭文字備於以存乎記注乃著續別生正名乎號紀文字以昭異世而文亂日昌矣終葬衛之利鄉亭南書人禮之後有倉氏史氏侯氏侯岡氏夷門氏倉頡氏

廖用賢尚友錄

史姓

史京兆徵音又望出宣城武昌

史姓部列傳一

周

史佚

按史記晉世家成王與叔虞戲削桐葉爲圭以與叔虞曰以此封若史佚因請擇日立叔虞成王曰吾與之戲耳史佚曰天子無戲言言則史書之禮成之樂歌之於是遂封叔虞於唐

史籍

按張懷瓘書斷周史籒宣王時爲史官師模倉頡古

文又作籒文

史伯

按國語鄭桓公爲司徒甚得周衆與東土之人問於史伯曰王室多故余懼及焉其何所以逃死史伯對曰其濟洛河頽之間乎是其子男之國號鄆爲大君若以周難之故寄帑與賄焉不敢不許是驕而貪必將背君君若以成周之衆奉辭伐罪無不克矣若克二邑鄆蔽補丹依陳歷莘君之土也若前莘後河右洛左濟主茅騶而食漆洧修典刑以守之唯是可以少固公說乃東寄帑與賄號鄆受之十邑皆有寄地

史蘇

按左傳僖公十五年初晉獻公筮嫁伯姬於秦遇歸妹之睽史蘇占之曰不吉其繇曰士刲羊亦無益也女承筐亦無貺也西鄰責言不可償也歸妹之睽猶無相也震之離亦離之震爲雷爲火爲羸敗姬車說其輓火焚其旗不利行師敗於宗丘歸妹睽孤寇張之孤姪其從姑六年其逋逃歸其國而棄其家明年其死于高梁之虛及惠公在秦曰先君若從史蘇之占吾不及此夫

史闔

按左傳莊公三十二年秋七月有神降于莘號公使祝應宗區史闔享焉神賜之土田史闔曰號其亡乎吾聞之國將興聽于民將亡聽于神神聰明正直而查者也依人而行號多涼德其何土之能得

史朝

按左傳昭公七年衛襄公夫人姜氏無子嬖人嬖始

生孟繁孔成子夢康叔謂己立元余使羈之孫圉與史荀相之史朝亦夢康叔謂己余將命而子荀與孔

宣子爲政聘于諸侯之歲嫺始生子名之曰元孟繁之足不良弱行孔成子以周易筮之遇屯又遇屯之比以示史朝史朝曰元亨又何疑焉且其繇曰利建侯嗣吉何建建非嗣也子其建之故孔成子立靈公

史狗

按左傳襄公二十九年吳公子札適衛說蘧瑗史狗史鱣公子荆公叔發公子朝曰衛多君子未有患也

史鱣

按新序衛靈公之時蘧伯玉賢而不用彌子瑕不肖而任事史鱣患之數諫不聽史鱣病且死謂其子曰吾不能進蘧伯玉退彌子瑕是不能正君也生不能正君者死不當成禮置尸北堂足矣史鱣死靈公往弔見喪在北堂問故其子以父言對靈公蹴然曰夫子死且不懈又以尸諫可謂忠矣於是乃召蘧伯玉以爲卿退彌子瑕徙喪正堂成禮而後返史鱣字子魚論語所謂直哉史魚者也

史趙

按左傳襄公三十年三月晉悼夫人食輿人之城杞者絳縣人或年長矣無子而往與於食有與疑年使之年曰臣小人也不知紀年臣生之歲正月甲子朔四百有四十五甲子矣其季於今三之一也更走問諸朝史趙曰亥有二首六身下二如身是其日數也

史叟

按說苑公叔文子問于史叟曰武子勝事趙簡子久

矣其寵不解矣也史叟曰武子勝博聞多能而位賤君親而慈疏而無怨色入與謀國家出不見其寵君賜之祿知足而辭故能久也

史黯

按說苑趙簡子曰吾欲得范中行氏良臣史黯曰范中行之良臣不能匡相其君使至於難出在于外又不能入亡而棄之何良之爲簡子曰善

史黯

按說苑趙簡子將襲衛使史黯往視之期以一月六日而後反簡子曰何久也黯曰謀利而得害由不察也今蘧伯玉爲相史鱣佐焉孔子爲客子貢使令于君前甚聽易曰渙其羣元吉者其佐多賢矣簡子按兵不動

史墨

按左傳昭公三十一年十二月辛亥朔日有食之趙簡子占諸史墨對曰六年及此月也吳其入郢乎終亦弗克入郢必以庚辰日月在辰尾庚午之日始有譌火勝金故弗克

史皇

按左傳定公四年冬蔡侯吳子唐侯伐楚舍舟於淮汭自豫章與楚夾漢史皇謂子常子必速戰不然不免三戰子常知不可欲奔史皇曰安求其事難而逃之將何所入子必死之十一月庚午二師陳于柏舉闔廬之弟夫槩王以其屬五千先擊子常之卒子常之卒奔楚師亂吳師大敗之子常奔鄭史皇以其乘廣死

史起

按說苑公叔文子問于史叟曰武子勝事趙簡子久

按水經注魏襄王以史起爲鄴令堰漳水以灌鄴田咸成沃壤百姓歌之

史疾

按萬姓統譜楚考烈時史疾爲韓使楚楚王問曰客何方所循曰治列子圍寇之言曰何貴正王曰正亦可爲國乎曰可楚國多盜正可以圍盜乎曰可以以正圍盜奈何頃間有鵠止于屋上者曰請問楚人謂之何王曰謂之鵠謂之鳥可乎曰不可今王之國有柱國令尹司馬典令其任官置吏必曰廉潔勝任今盜賊公行而弗能禁也此鳥不爲鳥鵠不爲鵠也

史理

按說苑周威公得史理趙異以爲諫臣去苛令三十九物

史舉

按江南通志舉鳳陽人爲下蔡監門習百家之說

秦祿

按廣西通志祿秦始皇時以史監郡始皇伐百粵使祿轉餉鑿渠通糧道自海陽山導水源以湘水北入于楚澱江激行六十里置陡門三十六使水積漸進故能循崖而上建瓴而下既通舟楫又利灌溉號爲靈渠及漢馬援征徵側繼疏之以濟師徒引饋運中國不至告憊者祿之功也

史恭

按漢書外戚傳衛太子史良娣家本魯國有兄恭良娣生男進號史皇孫武帝末巫蠱事起衛太子及史

皇孫皆遭害史皇孫一男生數月猶坐太子繫獄五歲乃遭赦治獄使者丙吉憐會孫無所歸載付恭恭養視焉宣帝立恭已死封三子高會元皆爲侯

史高

按漢書史丹傳丹父高侍中貴幸以發舉反者大司馬霍禹功封樂陵侯宣帝疾病拜高大司馬車騎將軍領尚書事元帝即位輔政五年乞骸骨賜安車駟馬罷就第薨諡安侯

史會

按漢書外戚恩澤侯表會以悼皇考舅子侍中中郎將封關內侯後有舊恩封將陵侯神爵四年薨亡後諡哀

史元

按漢書外戚恩澤侯表元以悼皇考舅子侍中中郎將封關內侯有舊恩封平臺侯二十五年薨諡康

史術

按漢書外戚恩澤侯表永光二年樂陵嚴侯術嗣十一年薨

史丹

按漢書史丹傳丹高之子以父任爲中庶子侍從十餘年元帝即位爲駙馬都尉侍中出常驂乘甚有寵詔丹護太子家時定陶共王愛幸上疾數問尚書以景帝立膠東王故事丹入臥內涕泣言上意大感太子遂爲嗣成帝即位擢長樂衛尉遷右將軍賜爵關內侯給事中後徙左將軍光祿大夫鴻嘉元年詔封武陽侯丹爲人足知愷悌愛人心謹密故允信於上極滋味聲色之樂爲將軍前後十六年病乞歸賜安

車駟馬就第薨諡頃侯男女二十人九男皆以丹任並爲侍中諸曹史氏凡四人侯卿大夫二千石十餘人

史恁

按漢書外戚恩澤侯表建昭元年平臺戴侯恁嗣十九年薨

史崇

按漢書外戚恩澤侯表建始二年樂陵康侯崇嗣薨亡後

史淑

按漢書外戚恩澤侯表元延二年樂陵侯淑以崇弟紹封亡後

史邯

按漢書外戚恩澤侯表末始四年武陽煬侯邯嗣十二年薨

史習

按漢書外戚恩澤侯表鴻嘉二年平臺侯習嗣

史岑

按漢書外戚恩澤侯表元始四年樂陵侯岑以高會孫紹封王莽敗絕

史獲

按漢書外戚恩澤侯表元壽二年武陽侯獲嗣更始元年爲亂兵所殺

史立

按漢書外戚傳哀帝時張由誣告中山馬太后祝詛傳太后使中謁者史立與丞相長史大鴻臚雜治立受太后指獲得封侯治馮太后女弟習等死者數十

人馮太后自殺立遷中太僕哀帝崩大司徒孔光奏立陷人入大辟幸蒙赦令請免爲庶人從合浦

史湛

按漢書王莽傳莽以杜陵史氏女爲皇后封后父湛爲和平侯拜寧始將軍湛子二人皆侍中後降申屠建見殺

史熊

按漢書王莽傳熊九虎將軍戰敗自殺

史崇

按萬姓統譜崇字伯勤東漢杜陵人建武中累官青冀二州刺史封溧陽縣侯天下既平詔遣公侯皆就封崇治尚寬簡不威而化卒諡壯侯子孫因家溧陽

史通平

按尚友錄通平漢光武時自會稽來蜀詣峨眉山謁天皇真人授以三一之法及五符訣遂居青神縣地置茅廬煉火丹龍虎成形餌之又廣行陰德功滿白日昇天

史茅

按萬姓統譜茅溧陽人溧陽侯崇之孫也元初三年襲爵除尚書遷侍中轉鎮西將軍雍州牧宰治得宜寬猛相濟時人德之茅子洽治子澤澤子鉉世襲侯封皆有名

史彌

按後漢書史彌傳彌字公謙陳留考城人也父敞順帝時以佞辭至尚書郡守彌少篤學聚徒數百仕州郡辟公府遷北軍中候上封事遷尚書出爲平原相

時詔書下舉鈞黨郡國所奏相連及者多至數百唯
弼獨無所上從事坐傳責平原何得獨無弼曰先王
疆理天下畫界分竟水土異齊風俗不同它郡自有
平原自無胡可相比從事大怒遂舉奏弼會黨禁中
解弼以俸贖罪得免濟活者千餘人遷河東太守被
一切詔書當舉孝廉弼知多權貴請託乃豫勅斷絕
書屬中常侍侯覽果遣諸生齋書請之并求假鹽稅
積日不得通生乃說以它事弼謂而因達覽書弼乃
大怒曰太守忝荷重任當選士報國爾何人而偽詐
無狀命左右引出楚捶數百付安邑獄即日考殺之
侯覽大怨遂詐作飛章下司隸誣弼誹謗檻車徵下
廷尉詔獄弼遂受誣事當棄市減死罪一等論輸左
校刑竟歸田里稱病閉門不出數為公卿所薦徵拜
議郎侯覽等惡之光和中出為彭城相會病卒

史叔賓

按後漢書郭太傳史叔賓陳留人少有盛名郭林宗
見而告人曰牆高基下雖得必失後果以論議阿枉
敗名

魏

史渙

按魏志夏侯惇傳沛國史渙以忠勇顯至中領軍掌
禁兵封列侯注魏書曰渙字公劉少任俠有雄氣太
祖初起以客從行中軍校尉從征伐常監諸將見親
信轉拜中領軍十四年薨子靜嗣

吳

史嵩

按江南通志嵩崇裔孫仕吳為平越中郎將蒼梧鬱

林太守封撫陵侯

史懿

按江南通志嵩族人懿亦仕吳為征南將軍隴西太
守

史韶

按江南通志韶亦嵩族人為交州屬國都尉封陽羨
侯

晉

史光

按江南通志光深陽人崇裔孫仕為中書侍郎

史雅

按江南通志雅陳留太守

史爽

按江南通志爽累官至五兵尚書

史憲

按江南通志憲累官建安太守封山陰縣侯

史諒

按江南通志諒琅邪王府主簿以討蘇峻功封常安
侯

北周

史邈

按周書史邈傳邈父邈初為征南府鎭曹參軍屬杜
洛周構逆六鎮自相屠陷邈遂率鄉里二千家奔恆
州其後恆州為賊所敗邈復歸洛陽拜樓煩郡守及
寧著勳追贈散騎常侍征西大將軍涼州刺史諡貞

史寧

按周書史寧傳寧字永和建康袁氏人曾祖豫仕沮

渠氏為臨松令魏平涼州祖灌隨例遷於撫寧鎮因

家焉父邈寧少以軍功拜別將遷直閣將軍都督宿
衛禁中尋加持節征東將軍金紫光祿大夫賀拔勝
為荊州刺史寧以本官為勝軍司率步騎一千隨勝
之部及勝為大行臺表寧為大都督率步騎一萬攻
梁下涯破之封武平縣伯邑五百戶屬魏孝武西
遷東魏遣侯景率眾寇荊州寧隨勝奔梁大統二年
寧自梁歸關進爵為侯增邑三百戶久之遷車騎將
軍行涇州事十二年轉涼州刺史十五年遷驍騎大
將軍開府儀同三司加侍中進爵為公十六年宕昌
叛羌獠甘作亂逐其王彌定而自立并連結傍乞鐵
忽及鄧五醜等詔寧率軍與宇文貴豆盧寧等討之
寧別擊獠甘大破之追奔至宕昌獠甘將百騎走投
生羌羣廉王彌定遂得復位寧以未能殲甘密欲圖
之乃揚聲欲還獠甘聞之復招引叛羌依山起柵欲
攻彌定寧謂諸將曰此羌人吾術中當進兵擒之耳
諸將思歸寧曰一日縱敵數世之患豈可捨將滅之
寇更煩再舉人臣之禮知無不為遂進軍獠甘眾亦
至與戰大破之生獲獠甘而斬之并執羣廉王送
闕師還詔寧率所部鎭河陽寧先在涼州戎夷服其
威惠遷鎭之後邊民並思慕之寧後遣使詣太祖請
事太祖即以所服冠履衣被及弓箭甲稍等賜寧尋
被徵入朝屬太祖崩孝閔帝踐阼拜小司徒出為荆
襄浙鄂等五十二州及江陵鎭防諸軍事荊州刺史
保定三年卒於州諡曰烈

史雄

按周書史寧傳寧子雄字世武少勇敢有算略年十

四從寧于牽屯山奉迎太祖仍從校獵弓無虛發太祖歎異之尋尚太祖女永富公主除使持節驃騎大將軍開府儀同三司累遷太尉中大夫從柱國抱罕公辛威鎮金城遂卒于軍時年二十四

史靜

按隋書史萬歲傳萬歲父靜周滄州刺史

史文忻

按陝西通志文忻字仲樂朔方人從周武帝以平齊之功進位大將佐高祖破尉遲迥加上柱國封英國公文忻妙解兵法馭戎齊整當時大軍有一善事雖非文忻所建在下輒相謂曰此必英公法也

隋

史雲

按隋書史祥傳祥兄雲字世高有幹局官至萊州刺史武平縣公

史祥

按隋書史祥傳祥字世休朔方人也父寧周少司徒祥少有文武才幹仕周太子右中士襲爵武遂縣公高祖踐阼拜儀同領交州事進爵陽城郡公祥在州頗有惠政後數年轉驃騎將軍伐陳之役從宜陽公王世積以舟師出九江道先鋒與陳人合戰破之進拔江州上聞而大悅進位上開府尋拜斬州總管未幾徵拜左領軍右將軍後以行軍總管從晉王廣擊突厥於靈武破之遷右衛將軍煬帝即位進位上大將軍賜繒綵七千段女妓十人良馬二十匹轉太僕卿尋遷鴻臚卿進位左光祿大夫拜左驍衛將軍俄拜燕郡太守被賊高開道所圍祥稱疾不視事及

城陷開道甚禮之會開道與羅藝通和送祥於涿郡卒於塗

史威

按隋書史祥傳祥弟威字世武有幹局官至武貴郎將武當縣公

史萬歲

按隋書史萬歲傳萬歲京兆杜陵人少英武善騎射好讀兵書兼精占候武帝時釋褐侍伯上士平齊之役父戰沒萬歲以忠臣子拜開府儀同三司襲爵太平縣公余朱勳以謀反伏誅萬歲坐除名配敦煌為戍卒寶榮定之擊突厥也萬歲詣轅門請自効榮定見而大悅因遣人謂突厥令各遣一壯士決勝負突厥因遣一騎挑戰榮定遣萬歲出應之萬歲馳斬其首而還突厥大驚遂引軍而去由是拜上儀同領軍騎將軍平陳之役又以功加上開府開皇末突厥達頭可汗犯塞上令晉王廣及楊素出靈武道漢王諒與萬歲出馬邑道萬歲至大斤山與敵相遇達頭遣使問曰隋將為誰候騎報史萬歲達頭懼而引去萬歲追擊大破之楊素害其功因譖云突厥初不為寇來塞上畜牧耳萬歲數抗表陳狀上未之悟會上廢皇太子窮東宮黨與上問萬歲所在萬歲實在朝堂楊素見上方怒因曰萬歲謁東宮矣以激怒上上召萬歲萬歲既見上詞氣忿厲上大怒令左右擗殺之天下士庶莫不冤惜萬歲臨陣對敵應變無方號為良將有子懷義

史義隆

按隋書史祥傳祥子義隆永年令

唐

史大奈

按唐書史大奈傳大奈西突厥特勤也與處羅可汗入隋事煬帝從伐遼積勞為金紫光祿大夫後分其部于樓煩高祖與太原大奈提其衆隸麾下桑顯和戰飲馬泉諸軍却大奈以勁騎數百背擊顯和破之軍遂振授光祿大夫從平長安以功多賞帛五千匹賜姓史從秦王平薛舉王世充寶建德劉黑闥功殊等積前後賜侍女三雜綵萬段貞觀初擢累右武衛大將軍檢校豐州都督封寶國公食封三百卒贈輔國大將軍

史德義

按萬姓統譜德義崑山人咸亨初隱居武丘山以琴書自適或騎牛帶瓢出入郊郭東市號為逸人高宗聞其名召赴洛陽稱疾歸

史務滋

按唐書豆盧欽望傳史務滋宣州溧陽人累吏勞遷司賓卿進拜納言后革命詔務滋等十人分行天下雅州刺史劉行實兄弟為侍御史來子詢誣其反詔務滋與來俊臣雜治俊臣言務滋與因善掩其反狀后命俊臣并治遂自殺

史青

按永州府志青博學強記開元初上書自薦云臣聞曹子建七步成章陛下若試臣五步之內可塞明詔試昭君怨除夕詩九工明皇賞異

史思明

按唐書史思明傳思明寧東州突厥種初名宰干元

宗賜其名驟健諱殺與安祿山共鄉里長相善張守珪表折衝與祿山俱爲捉生天寶初累功至將軍知平盧軍事入奏帝賜坐與語奇之遷大將軍北平太守從祿山討契丹祿山反使思明略定河北思明兵所嚮縱其下椎剽淫奪人妻女以是士最奮是時舉河北悉入賊安慶緒篡位賜姓安名榮國爵爲川郡王賊之陷兩京常以囊它載禁府珍寶貯范陽如丘阜然思明見富彊欲自取之慶緒敗走相州殘士三萬北歸無所屬思明擊殺數十人降之慶緒知其貳使阿史那承慶安守忠李立節詣思明議事且共圖之判官耿仁智以大說動賊思明曰善從承慶等飲即拘之收其兵給賞以遣斬守忠立節以徇使牙門金如意奉十三郡兵八萬籍歸于朝有詔思明爲歸義郡王范陽長史河北節度使諸子並列卿然思明外順命內實通賊益募兵乾元二年正月朔築壇僭稱大聖周王建元應天殺慶緒并其衆夏四月更國號大燕建元順天自稱應天皇帝以朝義爲懷王留子朝清守幽州思明遂西使朝義爲先鋒身自宜陽繼進朝義攻陝敗于姜子坂退壁永寧思明大怒召朝義并駱悅蔡文景許季常將誅而釋之詎曰朝義怯不能成我事欲追朝清自副又敕朝義築三角城居糧終日畢未堪而思明至怒不如約辭曰士疲少息耳思明曰汝惜士而違我令耶據鞍畢填乃去顧曰朝下陝夕斬是賊朝義懼思明居傳舍令所愛曹將軍擊刁斗呵衛駱悅等被讓即共說朝義曰向兵敗悅與王死無日不如召曹將軍同計大事朝義許之令季常以言動曹將軍曹將軍不敢拒悅以兵入

問思明所在共指匿思明知有亂踰垣出至廐下將乘馬走悅麾下周子俊射其臂墜問難所起曰懷王也思明曰旦日失言宜有此左右反接縛之送柳泉傳舍悅益殺思明以獻裏尸囊駝負還東京朝義乃即位建元顯聖

史朝義

按唐書史思明傳初思明諸子無嫡庶分以少者爲尊朝義孽長子寬厚下多附者及難起陰令向貢阿史那玉圖清朝清被執死貢攝軍事未幾玉襲殺之朝義以李懷仙爲幽州節度使幽州乃定朝義虛懷禮下事皆決大君然無經略才當此時洛陽諸郡人相食城邑榛墟又諸將皆祿山舊臣與思明故輩行恥爲朝義屈召兵輒不至欲還幽州會雍王僕固懷恩李抱玉李光弼合兵討賊師次洛陽朝義以師十萬距橫水戰大敗朝義走至下博僕固瑒追及之朝義復敗遂走莫州瑒追圍之閔精兵欲決死田承嗣謂朝義不如還幽州因懷仙朝義然納以騎五千夜出握承嗣手以存亡爲託將行復曰閔門百口母老子稚今付公矣承嗣聽命且日承嗣出降使人號城上曰朝義夜半走矣胡不追賊瑒未信承嗣將朝義母及妻孥詣瑒瑒于是諸軍率輕兵追之朝義走范陽懷仙部將李抱忠閉壁不受謀奔兩蕃懷仙招之自漁陽回幽州益死醫巫閭祠下懷仙斬其首傳長安思明父子僭號凡四年滅

史憲誠

按唐書史憲誠傳憲誠其先奚也內徙靈武爲建康人三世署魏博將祖及父爵皆爲王憲誠始以趨敢

從父軍田弘正討李師道將先鋒兵四千濟河拔城柵以功兼御史中丞長慶二年田布之自殺也軍亂且器時憲誠爲中軍兵馬使頗言河朔舊事以搖其衆衆乃逼還府擅總軍務穆宗未有以制即以節度使授之憲誠與李全略爲婚家太和中其子同捷反潛以糧餉資之文宗中約使者相望因進同中書門下平章事憲誠使大將至京師偵事作謾言自大宰相韋處厚折其詐遣去憲誠懼出兵從王師討之復遣大將丁志治率師二萬攻德州時王廷湊援同捷陰誘志治以利志治反憲誠告急天子詔義武李聽進討于是志治與廷湊合兵却貝州爲聽所敗奔廷湊滄景平憲誠不自安請納地進檢校司徒兼侍中徙河中封千乘郡公以李聽代初憲誠將以族行懼魏軍之留問策于弟憲忠憲忠教分相衛請置師因以弱魏復請詔聽引軍聲圖志治而假道清河帝從之憲誠因欲倚聽公去魏魏素聚兵清河聽至悉出其甲將入魏魏軍聞之懼明日盡甲而出聽按軍館陶不進衆謂憲誠賣己日給我以沽恩耶夜攻殺之并監軍史良佐推何進滔爲帥以請詔贈憲誠太尉實太和三年憲誠起凡七年死

史憲忠

按唐書史孝章傳憲誠弟憲忠字元貞少爲魏牙門將田弘正討齊蔡嘗爲先鋒閱三十戰中流矢酣鬪不解由是著名憲誠表爲貝州刺史魏亂奔京師加累檢校右散騎常侍隴州刺史會昌中拜涇原節度使憲忠疏涇干隍積緡錢十萬粟百萬斛成人宜之又徙朔方憲忠廉儉少所欲所至莫不懷德累封北

海縣子檢校尚書左僕射兼金吾大將軍以病自丐改左龍武統軍卒年七十一贈司空

史敬奉

按唐書史敬奉傳敬奉靈州人事朔方軍為牙將元和中吐蕃數犯塞十四年敬奉白節度使杜叔良請兵三千齎一月糧深入敵地分賊勢叔良以三千兵予之行十餘日不聞問皆謂已歿敬奉乃由間道逸出敵後部落奔駭因大破之餘衆于蘆蘆河獲馬牛雜畜逾萬數賜實封五十戶敬奉走逐奔馬矛矢在手前無強敵以名雄邊

史孝章

按唐書史孝章傳孝章字得仁資修謹父憲誠以戰力奮賓客用挽彊擊劍相矜孝章獨退讓如諸生稱道皆詩書魏博節度使李愬閱大將子弟籍于軍孝章願以文署職愬奇之檄試都督府參軍憲誠得魏遷士曹參軍孝章見父數奸命內非之乘間諫不盡聽文宗賢之授孝章節度副使累遷檢校左散騎常侍父欲助李同捷孝章切爭憲誠稍憚其義又勸出師討同捷自明帝益嘉之進檢校工部尚書入朝勞予蕃厚分相衛遣授孝章節度使未至魏人亂父卒死于軍帝郵孝章奪喪拜右金吾衛將軍徙節度鄜坊進檢校戶部尚書久之自鄆軍以病乞還卒于行年三十九贈尚書右僕射孝章本名唐後改今名

史謙恕

按萬姓統譜謙恕果州刺史百姓歌之曰使君來何晚昔日無儲今有飯

史維則

按尚友錄維則字天問吳人工八分飛白二書在唐以八分名家者四人韓擇木蔡有鄰李潮與維則也歷翰林學士弟懷則亦工書

後唐

史敬思

按五代史史建瑋傳建瑋父敬思為九府都督從晉王入關破黃巢復京師擊秦宗權于陳州常將騎兵為先鋒晉王東追黃巢于冤胸還過梁軍其城北梁王置酒上源驛獨敬思與薛鐵山賀回鶻等十餘人侍晉王醉留宿梁驛梁兵夜圍而攻之敬思登驛樓射殺梁兵十餘人會天大雨晉王得與從者俱去絕尉氏門以出而敬思為梁追兵所得見殺

史建瑋

按五代史史建瑋傳建瑋馬門人少事軍中為裨校自晉與梁相距于潞州建瑋已為晉兵先鋒梁兵數為建瑋所殺相戒常避史先鋒以功加檢校左僕射天祐九年晉精兵皆北攻燕獨符存審與建瑋以三千騎屯趙州梁軍已破棗疆存審扼下博橋建瑋分其麾下五百騎為五隊一之衡水一之南宮一之信都一之阜城而自將其一約各取梁芻牧者十人會下博至暮擒梁兵數十皆殺之各留其一人縱使逸去告之曰晉王軍且大至明日建瑋率百騎為梁旗幟雜其芻牧者暮扣梁營殺其守門卒縱火大呼斬擊數十百人而梁芻牧者所出各遇晉兵有所亡失其縱而不殺者歸而皆言晉軍且至梁太祖夜拔營去晉軍以故得并力以收燕後從莊宗入魏博累以功歷貝相二州刺史十八年晉軍討張文禮于鎮州

建瑋以先鋒兵下趙州執其刺史王鉞兵傳鎮州建瑋攻其城門中流矢卒年四十二

後晉

史匡翰

按五代史史建瑋傳建瑋子匡翰尚晉高祖女是為魯國長公主匡翰為將沈毅有謀而接下以禮與部曲語未嘗不名歷天雄軍步軍都指揮使彰聖馬軍都指揮使事晉為懷和二州刺史鄭州防禦使義成軍節度使所至兵民稱慕之史氏世為將而匡翰好讀書尤喜春秋三傳與學者講論終日無倦義成軍從事關微尤嗜酒常醉罵匡翰曰近聞張彥澤衛張式未見史匡翰斬關徹天下談者未有偶爾匡翰不怒引滿自罰而慰勉之人皆服其量卒年四十

史圭

按五代史史圭傳圭常山石邑人也為人明敏好學為晉章樂壽縣令有善政明宗時為尚書郎安重誨為樞密使薦圭直學士故事直學士與判官無異重誨素不知書倚圭以備顧問始白許圭升殿侍立樞密直學士升殿自圭始改尚書右丞晉高祖立召拜刑部侍郎遷吏部知銓事有能名以疾罷卒于常山

後漢

史弘肇

按五代史史弘肇傳弘肇字化元鄭州榮澤人為人驍勇走及奔馬漢高祖與禁兵弘肇為軍校其後高祖建號于太原弘肇以功拜忠武軍節度使侍衛步軍都指揮使高祖入京師弘肇遷侍衛親軍馬步軍都指揮使領歸德軍節度使同中書門下平章事高

祖疾大漸與楊邠蘇逢吉等同受顧命隱帝時關西用兵京師之民流言以相驚恐弘肇出兵警察務行殺戮罪無大小皆死凡民抵罪吏以曰弘肇弘肇但以三指示之吏即腰斬之又為斷舌決口斬筋折足之刑周太祖平李守貞推功羣臣弘肇拜中書令是時李業郭允明後贊聶文進等用事不喜執政而隱帝春秋漸長為大臣所制數有忿言業等乘間譖之以謂弘肇威震人主不除必為亂隱帝頗欲除之夜聞作坊鍛甲聲以為兵至達旦不寐由是與業等密謀禁中乾祐三年冬十月十三日弘肇與楊邠王章等入朝坐廣政殿東廡甲士數十人自內出擒弘肇邠章斬之并族其三家周太祖即位追封弘肇鄭王以禮歸葬

後周

史彥超

按五代史史彥超傳彥超雲州人為人事悍驍捷周太祖起魏時彥超為漢龍捷都指揮使以兵從太祖入立遷虎捷都指揮使戊子晉州劉晏攻晉州州無主帥知州王萬敢不能拒彥超以戌兵堅守月餘太祖遣王峻救之晏兵解去以功遷龍捷右廂都指揮使領鄭州防禦使周漢戰高平彥超為前鋒先登陷城以功拜威德軍節度使周兵圍漢太原契丹救漢出忻代世宗遣符彥卿拒之以彥超為先鋒戰忻口彥超勇憤俱發左右馳擊解而復合者數四遂及于陣世宗惜彥超不食者數日贈太師優恤其家焉

史莖

按永州府志莖善屬文吳王恪鎮永州辟為判官謂

莖曰逆寇未殄君有服物才若能垂顧黎元有望矣莖嘉其意乃應召多所裨贊境內肅然

史虛白

按十國春秋南唐史虛白字畏名世家齊魯中原亂南渡時烈祖輔吳方任用朱齊丘虛白誦言曰吾可代彼齊丘不平召與宴飲酒數行使製書檄詩賦碑頌虛白方半醉命數人執紙口占筆不停輟俄而衆篇悉就詞采磊落坐客驚服因說齊丘以湯武伊呂事齊丘引見烈祖擢為校書郎稍遷州從事謝病去南遊至九江落星灣因家焉常乘雙轎板轅掛酒壺車上山童負一琴一酒瓢以從往來廬山絕意世事卒

史守冲

按十國春秋南唐史守冲不知何許人烈祖常夢得神丹既覺而守冲適詣宮門獻丹方烈祖神之使煉金石為丹服之多暴怒常以其藥賜李建勳建勳乘間言臣服甫數日已覺炎躁豈可常進哉烈祖曰孤服之已久寧有是事俄而疽發遂至大漸臨終謂元宗曰吾服金石求長年今反若此汝宜以為戒也

史公鍊

按萬姓統譜公鍊南唐袁州刺史廉明直幹民皆安堵時稱為文武刺史

宋

史珪

按宋史史珪傳珪河南洛陽人父暉晉嚴衛指揮使珪少以武勇隸軍籍周顯德中遷小校太祖領禁衛以珪給事左右及受禪為御馬直隊長四遷都指揮

使開寶六年領穀州刺史太祖初臨御欲周知外事令珪博訪珪廉得數事白于上驗之皆實由是信之後乃漸肆威福九年坐洩漏禁中語出為光州刺史會歲饑淮蔡民流入州境珪不待聞即開倉減價以糴所全活甚衆太平興國中以為揚楚等九州都巡檢使六年遷隰州刺史知保州靜戎軍雍熙中卒年六十一珪多智數好以甘言小惠取譽于人故所至不忍其去云

史序

按萬姓統譜序字正倫京兆人善推步曆算太平興國中歷知天文監丞太子洗馬修儀天曆又嘗纂天文曆書為十二卷

史方

按宋史史方傳方字正臣開封人應周易學究不中補西第二班殿侍再遷三班奉職為潭澧鼎澧邊同巡檢改右班殿直閣門祇候就知郴州徙澧州遷右侍禁天禧中下溪州蠻彭仕漢寇辰州殺巡檢王文慶方勒兵入溪洞討捕降其黨李順同等八百餘人誅其九惡者杜慆等十九人遷西頭供奉官知辰州兼沿邊溪洞都巡檢使徙夔州時富順州蠻田彥安寇施州焚暗利砦方領兵直抵富順蕩其巢穴窮追彥安至七女柵降之遷內殿崇班改內殿承制奉使契丹論以恩信乃傳箭牽羊乞和減禁兵五千徙內地以省邊費遷愛州刺史為益州鈐轄徙秦鳳路遷西京作坊使卒

史吉

按萬姓統譜吉延州指揮使夏人入寇寨主押監引

兵欲匿山中俟賊去復歸吉曰如城中百姓芻糧何吉不敢從寨主押監慙懼而返卒以完城

史聲

按尚友錄聲沿海人元祐間以進士登顯官始家貧母先卒侍父自養不給惟齏鹽糜粥而已日夜讀書每書暇樵採以給父養自食齏糲恆不飽及登第有祿迎親就食至中途遇疾卒聞訃即哭不絕聲不顧家屬罄身日夜奔赴四日乃至哀慟幾絕扶柩還家寢苦枕塊及葬結廬墓左日爲抱土培塿墓後成一壘如山弔者至惟以頭觸地叩哀未嘗與人談笑

史焰

按尚友錄焰字子熙眉山山人父清卿蘇軾兄弟以師事之焰博古能文嘗作通鑑釋文三十卷

史通

按尚友錄通青神人少與兄珣以文學知名歷官通州尉盤石令有古循吏風嘗著易書乾坤別解詩書義論語孟子又進世要機務十卷芻蕘策十卷

史東

按徽州府志東字美徵蜀人大觀三年爲祁門縣尉善政愛民時邑多疫癘及火災乃訓民做蜀俗禳災集福民賴以安後陞司農少卿邑人懷之塑像於張王祠而配享焉

史徵

按萬姓統譜徵字洵美鹽官人勤苦力學登崇寧五年進士第累遷太常博士時享太廟以宦者押登徵建議罷之進戶部郎官出爲京西運判進右司郎中以疾致仕高宗卽位復起爲司農少卿建炎初與黃

鶚冠駕至江口俱遇害後特贈左太中大夫右文殿修撰子龜年均年岑年龜年岑年官至員外郎均年與龜年子驥等亦皆入仕

史祺孫

按萬姓統譜祺孫字大年安吉人政和間登第以刑部郎官出典輿與國二郡初秦檜謀誅岳飛命祺孫覓索其家交游書劄祺孫悉焚其書曰誣人以求榮吾不忍爲也遂引年而歸

史經

按萬姓統譜經眉山山人博學能文其思子臺賦上援秦皇下逮晉惠反覆哀切有補于世舉賢良不第卒於家弟沆舉進士子凝官至著作郎

史詒

按萬姓統譜詒字升之鄞人父冀國公簡頤秀豐下少有立志嘗與豐清敏舒中丞受業于鄉先生樓郁以孝行聞遇大比輒引避嘗曰無母氏之節已無史氏矣誓終身母子不相離大觀二年詔舉八行鄉人以詔應命遂與母避于縣東大田山郡守迹所往迫使就道誓不從鄉人稱爲八行先生後孫浩貴累贈太師越國公

史抗

按宋史史抗傳抗濟源人宣和末爲代州沿邊安撫副使金人圍代急抗夜呼其二子稽古稽哲謂曰明日城必陷吾將死事汝輩亦勿以妻子爲念而負國也二子泣曰惟吾父命明日城果破父子三人突圍力戰死于城隅

史浩

按宋史史浩傳浩字直翁明州鄞縣人紹興十四年登進士第調餘姚縣尉歷溫州教授升國子博士因轉對言普安恩平二王宜擇一以係天下望高宗納之除祕書省校書郎兼二王府教授三十年普安郡王爲皇子進封建王除浩權建王府教授三十一年遷宗正少卿會金主亮犯邊下詔親征建王抗疏請率師爲前驅浩爲王力言太子不可將兵以晉申生唐肅宗靈武之事爲戒王大感悟立俾浩草奏請扈蹕以供子職辭意懇到高宗方怒覽奏意頓釋遂扈蹕如建康三十二年上還臨安立建王爲皇太子浩除起居郎兼太子右庶子孝宗受禪以中書舍人遷翰林學士知制誥除參知政事隆興元年拜尚書右僕射御史王十朋論之出知紹興遂與祠不召者十二年淳熙五年復爲右丞相尋求去拜少傅保寧軍節度使充醴泉觀使兼侍讀十年請老除太保致仕封魏國公光宗御極進太師紹熙五年薨年八十九封會稽郡王寧宗登極賜諡文惠嘉定十四年追封越王改諡忠定配享孝宗廟庭子彌大彌正彌遠彌堅

史正志

按揚州府志正志字志道江都人紹興二十一年進士授歙縣尉秩滿詣闕上保治要略八篇丞相陳康伯薦于朝除樞密院編修引孫權築濡須塢故事乞築和州城壘及舒揚防守判襄陽事宜高宗視師江上命扈從至鎮江又上恢復要覽五篇車駕駐蹕建康正志言三國六朝形勢與今日不同要當無事則都錢塘有事則幸建康以爲東西都詔下侍從臺諫集

議從之尋除司農寺丞孝宗即位除度支員外郎後因論事謫永州尋復原官除右文殿修撰知靜江府未赴而罷賜節文安縣開國男轉朝議大夫後歸老姑蘇號吳門老圃所著有建康志十卷菊譜一卷

史彌大

按萬姓統譜彌大浩子乾道中進士累官禮部侍郎浩在相位彌大勸其引退浩主和彌大主戰守父子異議所著有朴語數篇

史彌遠

按宋史史彌遠傳彌遠字同叔浩之子淳熙六年補承事郎八年銓試第一十四年舉進士紹熙元年授大理司直開禧元年授司封郎官遷起居郎二年兼資善堂直講韓侂胄建開邊之議兵端既開敗衄相屬累使求和金人不聽都城震搖宮闈疑懼然皆畏侂胄莫敢言彌遠力陳危迫之勢呈子詢聞之亟具奏乃罷侂胄既而侂胄就誅召彌遠對延和殿遷禮部尚書嘉定元年拜右丞相兼樞密使進開國公四年雪趙汝愚之冤乞褒贈賜諡蓋正誣史召還正人故老于外寧宗崩擁立理宗拜太師依前右丞相紹定五年疏乞謝事特授保寧招信軍節度使充醴泉觀使進封會稽郡王卒贈中書令追封衛王諡忠獻彌遠相寧宗十有七年立理宗又獨相九年擅權用事專任貪壬濟王不得其死識者羣起而論之而彌遠反用李知孝梁成大等以為鷹犬于一時之君子貶竄斥逐不遺餘力云

史彌堅

按萬姓統譜彌堅字固叔忠定公幼子少警敏端靜

後以軍器監尹臨安韓侂胄敗兄彌遠入相以嫌出為潭州湖南安撫使平湖寇羅孟傳守建寧行義倉法真文忠公紀其政績以兄久相位數勸歸不聽遂食祠祿于家凡十有六年後以資政殿學士光祿大夫卒諡忠宣

史彌瑋

按宋史史彌瑋傳彌瑋字南叔彌遠從弟也好學強記紹熙四年入太學升上舍時彌遠柄國寄理不復試淹抑十載嘉定十年始登進士第時李璣開鄂閩知彌瑋持論不阿辟諮幕府事端平初入監都進奏院轉對有君子小人才不才之奏護蜀保江之奏嘉熙元年出提點江東刑獄歲大旱饒信南康三郡大祲謂賑荒在得人俾璠戶為五甲乙以等第賑糶丙為自給丁糴而戊濟全活為口一百一十四萬有奇饒州兵籍溢數供億不繼請汰冗兵令下營門大譟乃呼諸校謂曰汰不當許自陳敢譁者斬咸叩頭請罪諸營帖然璠給亦大省召為司封郎中以兄子嵩之入相引嫌旬祠遂以直華文閣知婺州提舉崇禧觀里居絕口不道時事卒年八十五子長育之終刑部郎官能之有之胄之俱進士

史彌宇

按萬姓統譜彌宇字清叔忠定公從子寧宗時知武岡軍始行鄉飲酒禮于學宮

史本

按萬姓統譜本性至孝父沒廬墓悲慕芝草生後舉進士試易經寧宗閱卷批云史本易義可為今式答策尤善江南真秀才歷仕至奉直大夫居官廉潔時

彌孝廉

史嵩之

按宋史史嵩之傳嵩之字子由慶元府鄞人嘉定十三年進士調光化軍司戶參軍寶慶三年通判襄陽府紹定元年權知棗陽軍三年襄陽屯田成轉兩官以明堂恩封鄞縣男五年知襄陽府端平元年破蔡減金獻俘上露布降詔獎諭進封子會出師與淮閩協謀犄角嵩之力陳非計疏為六條上之尋以華文閣直學士知隆興府帝自師潰悔不用嵩之言召見言今日之事當先自治不可專恃和議乞祠以前職知平江府嘉熙元年進華文閣學士京西荆湖安撫制置使以明堂恩進封伯二年拜端明殿學士進封奉化郡侯詔入觀拜參知政事三年授宣奉大夫右丞相兼樞密進封公淳祐二年進高孝光寧帝紀孝宗經武要略寧宗實錄日曆會要玉牒進金紫光祿大夫是冬封永國公四年遭父喪起復右丞相兼樞密使為公論所不容居間十有三年寶祐四年授觀文殿學士卒贈少師進封魯國公諡忠簡改諡莊肅德祐初奪諡

史璟卿

按宋史史嵩之傳嵩之從子璟卿嘗以書諫退師于鄂之失言為今日之計莫若盡去在幕之羣小悉召在野之君子相與改絃易轍戮力王事庶幾失之東隅收之桑榆居無何璟卿暴卒相傳嵩之致毒云

史次泰

按宋史史次泰傳次泰眉山山人及進士第吳曦叛招次泰甚遽次泰遂延固避偽知大安軍郭鵬飛迫之

行乃以石灰桐油塗兩目未生附子傳之比至目益腫次秦母年高而賢聞次秦爲職所招卽命家人以計聞職乃聽還職誅蜀帥上其事改秩爲利路主管文字仕至合州太守

史用之

按萬姓統譜用之眉山人出處未詳崇德廟碑文乃其所撰有云予入鷄豚社祝史以記請遂爲之作其文立論純正典則又表壽鳳山之麓有石刻讀書二大字旁識云端平二年鶴山赴召過樂溫爲史子作其賢可知矣

史子申

按萬姓統譜子申南溪人辨博文雅開禧初進士南溪登第者由于子申始鄉人謂之破天荒後知瀘州合江縣攝西路提點刑獄

史泳

按萬姓統譜泳字日亨饒雙峰門人李峴曰史泳問答出入微妙學者尊之爲水東先生

史雋之

按萬姓統譜雋之紹定初知江陰軍三年冬李全陸梁直抵海陵江陰當要害雋之下車踰月請兵分屯以廣聲援報可調殿司禁旅千五百人來戍軍整民安秋毫無擾鄉飲酒禮時俗視爲隆典雋之究古德意推行之燕席序登環觀歎息有補風化

史岩之

按萬姓統譜岩之字子尹鄞人紹定間進士歷朝奉郎以將作監丞兼知真州權淮南運判敵犯儀真岩之率衆捍之訖以無恐遷大理丞兼知揚州權淮南

運判

史顯祖

按錢塘縣志顯祖工人物山水端平間書院待詔

史能之

按萬姓統譜能之咸淳中知常州州治清理擢浮費以溶河民賴其利

史蒙卿

按萬姓統譜蒙卿咸淳元年進士調官江陰軍教授蒙卿爲學淹博著書立言一以朱熹爲法寓居臨海志高行卓有清靜集及小學紺珠行于世

史扶

按萬姓統譜扶瀘州人能詩有瀘南詩卷行于世

史寅仲

按萬姓統譜寅仲鄱陽人以進士拜朝散郎知化州洞蠻負固督軍捕之沒于戰贈朝散大夫

欽定古今圖書集成明倫彙編氏族典

第四百卷目錄

史姓部列傳二

金

史嗣貞

史成珪

元

史秉直

史彬

史天倪

史天澤

史梅

史樞

史春谷

史彥斌

明

史遷

史萬里

史志可

史仲成

史昭

史源

史諒

史克新

史中

史孟常

史珍

史倫

史懷德

史天祥

史天安

史弼

史權

史格

史公珽

史敬武

史叔安

史謹

史以辰

史誠祖

史五常

史諫

史安

史怡

史常

史瓊

史聘

史立模

史琳

史後

史鑑

史敏

史立誠

史梧

史贊舜

史隆

史褒善

史孟麟

史國楨

史啓元

史永安

史世揆

史得

史玉明

史可法

史能仁

史夏隆

史學

史書

史良佐

史忠

史道

史于光

史闕疑

史元八

史際

史朝賓

史思賢

史嗣

史應元

史繼烈

史元鎮

史贊化

史繼志

史記言

史子見

氏族典第四百卷

史姓部列傳二

金

史嗣貞

按登州府志嗣貞漁陽人大定四年授文登縣令性剛毅明敏人不敢干以私裁斷如流庭無滯訟民愛之如慈母去後立祠祀之

史倫

按元史史天倪傳天倪曾祖倫少好俠因築室發土得金始饒於財金末中原塗炭乃建家塾招徠學者所藏活豪士甚衆以俠稱於河朔士族陷爲奴擄者輒出金贖之甲子歲大祲發粟八萬石賑饑者士皆爭附之

史成珪

按元史史天倪傳天倪祖成珪儻有父風遭亂盜賊四起乃悉散其家財惟存廩粟而已

元

史秉直

按元史史天倪傳天倪父秉直讀書尚氣義太師國王木華黎統兵南伐秉直率里中老稚數千人詣軍門降木華黎命秉直管領降人家屬屯霸州秉直拊循有方遠近聞而附者十餘萬家尋遷之漠北降人道饑秉直得所賜牛羊悉分食之多所全活乙亥木華黎承制以秉直行尚書六部事主饋餉軍中未嘗乏絕庚寅以老謝事歸鄉里卒

史懷德

按元史史天祥傳天祥父懷德尚書秉直之弟也歲

癸酉太師國王木華黎從太祖伐金天祥隨秉直迎降於涿木華黎命懷德領其黑軍隸帳下甲戌略地高州拔十五城惟大寧固守不下合衆攻之懷德先登擒其二將爲流矢所中歿於軍

史彬

按元史史弼傳弼會祖彬有胆勇太師國王木華黎兵南下居民被擄盡守閉城自守彬謂諸子曰吾所恃者郡守也今棄民自保吾與其束手以死曷若死中求生乃率鄉人數百家詣木華黎請降木華黎書帛爲符遣還既而州破獨彬與同降者得免

史天祥

按元史史天祥傳天祥父秉直弟也天祥隨秉直降木華黎署都鎮撫丙子春觀太祖於魚兒潭賜金符授提控元帥庚辰至真定木華黎使天祥攻城天祥因請先往諭之木華黎許之天祥往見守將武仙諭以禍福仙悟乃降木華黎以秉直之子天倪鎮真定以天祥爲左副都元帥引兵南屯邢西遙木山下仙兄貴以萬人壁於山上負固不下天祥攜完顏胡速及黑軍百人由鳥道扳援而上盡掩捕之仙驚曰公若有羽翼者不然何其能也遂下邢磁相三州癸未破賀蘭山還遇賊射傷額出血目爲之昏庚寅朝太宗於瀘胸河命天祥行元帥府事憲宗即位俾仍舊職戊午秋九月以疾卒年六十八子彬江東提刑按察副使槐襲霸州爲衣局人匠都達魯花赤

史天倪

按元史史天倪傳天倪字和甫燕之永清人父秉直天倪始生之夕白氣貫庭成童姿貌魁傑有道士見

而異之曰封侯相也及長好學日誦千言大安末舉進士不第乃歎曰大丈夫立身獨以文乎哉使吾遇荒難夜鳴擁百萬之衆功名可唾手取也木華黎見而奇之既以萬戶統諸降卒從木華黎略地三關已南至於東海所過城邑皆下選壯勇萬人爲義兵號清樂軍以從兄天祥爲先鋒所向無敵甲戌朝太祖於燕之帷殿所陳皆奇謀至計大稱旨賜金符授馬步軍都統管領二十四萬戶從木華黎攻高州又從攻北京皆不戰而克武仙降木華黎承制以天倪爲金紫光祿大夫河北西路兵馬都元帥行府事仙副之乙酉師還聞武仙之黨據西山天倪直搗其巢穴盡掩殺之仙怒謀作亂乃設宴邀天倪遂爲所殺時年二十九妻程氏聞亂恐汚於賊乃自殺

史天安

按元史史天倪傳天安字全甫秉直仲子也歲癸酉從秉直降太師木華黎以其兄天倪爲萬戶而質天安軍中丁丑從討錦州叛人張致平之己卯從略地關右生擒鄜州驍將張資祿號張鐵鎗者乙酉武仙殺天倪於真定天安會天澤併力攻仙敗走之以功授行北京元帥府事撫治真定甲午宣權真定等路萬戶丙午入覲乙卯卒

史天澤

按元史史天澤傳天澤字潤甫秉直季子也身長八尺聲如洪鐘善騎射勇力絕人從其兄天倪帥真定乙酉天倪遣護送其母歸北京既而天倪爲武仙所害天澤南還行次滿城得士馬甚衆遣監軍李伯祐詣國王字魯言狀天澤時爲帳前軍總領字魯承制

命紹兄職爲都元帥俾笑乃將蒙古軍三千人援之合勢進攻盧奴仙驍將葛鐵槍者擁衆萬人來拒戰天澤迎擊之身先士卒勇氣百倍生擒葛鐵槍獲其兵甲輜重軍威大振遂復真定己丑太宗即位議立三萬戶分統漢兵天澤適入覲命爲真定河間大名東平濟南五路萬戶癸巳春完顏白撒來襲新衛天澤率輕騎馳赴之比至圍已合天澤奮戈突至城下呼守者曰汝等勉力復躍出其衆皆披靡壬子入覲憲宗賜衛州五城爲分邑世祖時在藩邸極知漢地不治河南尤甚請以天澤爲經略使至則興利除害政無不舉誅郡邑長貳之尤貪橫者二人境內大治世祖即位首召天澤問以治國安民之道即具疏以對帝嘉納之拜中書右丞相天澤既秉政凡前所言治國安民之術無不次第舉行又定省規十條以正庶務至元元年加光祿大夫爲輔國上將軍樞密副使四年改中書左丞相八年進開府儀同三司平章軍國重事十一年詔天澤與伯顏總大軍自襄陽水陸並進天澤至郢州遇疾還至真定帝遣尚書視天澤因附奏願天兵渡江慎勿殺掠十二年二月薨諡忠武累贈太師進封鎮陽王立廟天澤平居未嘗自矜其能年四十始折節讀書拜相之日門庭悄然當金末各士流寓失所悉爲治其生理而實禮之出入將相五十年上不疑而下無怨人以此於郭子儀曹彬云

史弼

按元史史弼傳弼字君佐一名塔剌渾蓋州博野人通國語膂力絕人能挽強弓潼關守將王彥弼奇其

材妻以女薦於左丞相耶律鐸從鑄往北京近侍
火里台見弼所挽弓以名聞世祖召之試以遠梁連
發中的令給事左右中統末授金符管軍總管至元
十年陞懷遠大將軍進定遠大將軍兵駐瓜洲以數
十騎抵揚州城宋將姜才以兵夜至弼三戰三勝天
明才見弼兵少進迫圍弼復奮擊之騎士二人挾

火鎗刺弼弼揮刀禦之左右皆仆手刃數十百人及
出圍追者尚數百騎弼殿後敵不敢近會援兵至大
破之授昭勇大將軍揚州路總管冬遷黃州等路宣
慰使十五年入朝陞中奉大夫江淮行中書省參知
政事行黃州等路宣慰使十九年改浙西宣慰使二
十一年改淮東宣慰使弼凡三官揚州人喜刻石頌
之號三至碑遷僉書松江行樞密院事鎮建康二十
九年拜榮祿大夫福建等處行中書省平章政事往
征瓜哇以亦黑迷失高典副之明年正月入混沌大
洋橄欖嶼假里馬答勾闊等山駐兵伐木造小舟以
入時瓜哇與鄰國葛郎構怨瓜哇主哈只葛達那加
刺已為葛郎主哈只葛當所殺其塔士罕必閣耶攻
哈只葛當不勝聞弼等至遣使以其國山川戶口及
葛郎國地圖迎降求救弼與諸將進擊葛郎兵大破
之哈只葛當走歸國弼分兵三道與與及亦黑迷失
各將一道攻葛郎至答哈城葛郎兵十餘萬迎敵自
且至午葛郎兵敗哈只葛當出降士罕必閣耶乞歸
易降表弼許之遣萬戶担只不丁甘州不花護之還
國士罕必閣耶於道殺二人以叛乘車還來路擄奪
弼自斷後且戰且行行三百里得登舟士卒死者三
千餘人朝廷以其亡失多杖七十沒家貲三之一元

貞元年起同知樞密院事月兒魯奏弼等以五千人
渡海二十五萬里入近代未嘗至之國俘其王及論
降傍近小國宜加矜憐遂詔以所籍還之拜榮祿大
夫江西等處行中書省右丞三年陞平章政事加銀
青榮祿大夫封鄂國公卒於家年八十六

史稿

按元史史天倪傳天倪子楫字大濟歲己亥知中山
府事尋遷征南行軍萬戶翼經略甸地斬黃善撫士
卒所向有功壬寅天澤引楫入見太宗奏曰臣兄天
倪死事時二子尚幼臣受詔攝行府事今楫已成入
乞解職授之帝嘉歎曰今之爭官者多謬官者少卿
此舉殊可嘉尚朕自有官與之即以楫為真定兵馬
都總管佩金虎符辛亥朝廷始徵包銀楫請以銀與
物折仍減其元數詔從之著為令元氏民有想府僚
於達官者質之無實將抵之死楫力為營解達官曰
是人陷汝輩死地而反抹之何耶楫曰誅之固足以
懲後未若宥之以愧其心乳人命至重豈宜以妄言
之故而加以極刑乃杖而遣之中統元年授真定路
總管同判本道宣撫司事解綬歸卒年五十九子炫
常德管軍總管輝知孟州燧同知東昌府事煊潼關
提舉煬僉廣西按察司事

史權

按元史史天倪傳天倪次子權字伯衡勇而有謀初
以權萬戶從天澤南征壬子天澤以萬戶改河南經
略使乃以權代其任己未世祖自將伐宋權迎於淮
西憲宗崩世祖命權總兵鎮江北岸之武磯山至元
六年召至闕下問以征南之策對曰襄陽乃江陵之

藩蔽樊城乃襄陽之外郭我軍若先攻樊城則襄陽
不能支吾不戰自降矣帝善其計制授江漢大都督
總制軍馬總管屯田萬戶會天澤言一門不可兼掌
兵民之柄乃授權鎮國上將軍真定等路總管兼府
尹徙東平又徙河間卒

史樞

按元史史天倪傳樞字子明父天安樞年二十餘以
勳臣子知中山府有治績甲寅初籍新軍天澤奏樞
為征行萬戶配以真定彰德衛州懷孟新軍成唐鄧
憲宗伐宋從天澤詣行在帝勞之命為前鋒宋立劍
州僑治於苦竹崖前阻絕淵深數百尺恃險不備帝
使樞偵之樞率健卒數十絕而下得所以致師處以
聞帝趣樞急取之宋人懼乃降翼日大宴帝顧皇后
命飲樞酒世祖即位從天澤還蜀北征高麗人金通
精據珍島以叛討之歲餘不下進樞昭勇大將軍鳳
州經略使樞至大破之其地悉平復以萬戶從丞相
伯顏伐宋宋平署安吉州安撫使至元二十三年拜
中奉大夫山東東西道宣慰使治濟南後又治益都
二十四年卒子煥昭勇大將軍後衛親軍都指揮使
佩金虎符煥奉訓大夫祕書少監

史格

按元史史天澤傳天澤子格字晉明歲壬子憲宗賜
天澤以衛城授格節度使憲宗崩格為亳州萬戶從
攻襄陽襄陽下衆軍渡江格軍先渡為宋將程鵬飛
所却格被三創喪其師二百尋復大戰中流失鵬飛
身亦被七創乃敗走從平章阿里海牙攻潭州砲激
柵木傷肩矢貫其手裹創先登拔之從攻靜江衆以